



Íþróttamiðstöðin Borg

Vetraropnun



Mánudaga - fimmtudaga kl. 14-22

Föstudaga LOKAÐ

Laugardaga – Sunnudaga kl. 11 -18

Hætt er að hleypa ofan í laugina 20 mínútum fyrir lokun.

Heimasíða: www.gogg.is
Netfang: sundlaug@gogg.is

Sími 480 - 5530

Ritstjóri Hvatarblaðsins er Linda Sverrisdóttir.
Ábyrgðarmaður: Ingibjörg Harðardóttir.
Efni í blaðið berist fyrir 1. hvers mánaðar á eftirfarandi netföng:
linda@gogg.is eða gogg@gogg.is



HVATARBLAÐIÐ

Október 2016



Ráðstefna ungmennaráða á Suðurlandi var haldin 28. – 29. september s.l. á Hvolsvelli. Þar komu saman fulltrúar ungmennaráða á Suðurlandi og starfsmenn þeirra.

Fyrri dagurinn var vinnudagur unga fólksins en seinni daginn var fulltrúum sveitarstjórna og þingmönnum boðið til að eiga samtál við unga fólkið.

Forseti Íslands setti seinni dag ráðstefnunnar.

Það var ungmennaráð Árborgar sem stóð að og skipulagði ráðstefnuna með aðstoð frá ungmennaráði Rangárbings eystra.

Mynd: Sveitastjórnarmennirnir Gunnar Þorgeirsson og Hörður Óli Guðmundsson. Harpa Rós Jónsdóttir og Jónína Guðný Jóhannsdóttir fulltrúar ungmennaráðs, Gerður Dýrfjörð, stafsmaður ráðsins og Kristín Lilja Birgisdóttir, Kristberg Ævar Jósepsson og Krístrún Urður Harðardóttir fulltrúar í ungmennaráði.



FUNDARGERÐ.

396. fundur sveitarstjórnar Grímsnes- og Grafningshrepps var haldinn í stjórnsýsluhúsinu Borg, miðvikudaginn 21. september 2016 kl. 9.00 f.h.

Fundinn sátu:

Gunnar Þorgeirsson
Ingibjörg Harðardóttir
Hörður Óli Guðmundsson
Sigrún Jóna Jónsdóttir
Guðmundur Ármann Pétursson

Fundargerðin var færð í tölvu og hana ritaði Ingibjörg Harðardóttir.

1. Fundargerð sveitarstjórnar Grímsnes- og Grafningshrepps frá 7. september 2016.

Fundargerð sveitarstjórnar Grímsnes- og Grafningshrepps frá 7. september 2016 liggur frammi á fundinum.

2. Fundargerðir.

a) Fundargerð 55. fundar fræðslunefndar Grímsnes- og Grafningshrepps, 8. september 2016.

Fundargerðin lögð fram til kynningar.


b) 117. fundur Skipulagsnefndar Uppsveita, 8. september 2016.

Mál nr. 25, 26, 27, 28, 29 og 30 þarfnast staðfestingar sveitarstjórnar.

Lögð fram 117. fundargerð Skipulagsnefndar Uppsveita, dags. 8. september 2016. Eftirfarandi dagskrárliðir þarfnast afgreiðslu sveitarstjórnar;

Mál nr. 25: 1608046 - Arnarbæli 1 168227: Grímsnesi: Stofnun lóðar.

Fyrir liggur umsókn Grétars Ottó Róbertssonar, dagsett 23. ágúst 2016 um stofnun lóðar utan um íbúðarhús á jörðinni



Opið er alla virka daga frá 10-14. eða eftir samkomulagi
Sími 669-0108 og 694-8405

Saumakompan



*Fataviðgerðir, gardínusaumur
og ýmiskonar einfaldur
saumaskapur*



Elsa Jónsdóttir
Sími 486-4515



Tökum að okkur stór og smá verk:
jarðvinnu - tætingu - snjómokstur - bílaflutninga, jarðheflun & fólksflutninga, 6-11 farþega

Jóhannes og Guðmundur
 Gsm: 848 - 1123 & 868 - 4115
 Email: verktaki89@gmail.com
 Facebook: Jarðvinnuverktaki Feðgaverk

Öll almenn lögfræðipjónusta

Málflutningur – Erfðaskrár – Kaupsamningar –
 Landskipti – Skaðabætur – ofl.

Sigurður Jónsson hrl. S: 893-6506
siggi@landlogmenn.is

Sverrir Sigurjónsson lögfr. S: 662-4422
sverrir@landlogmenn.is

Land
 LÖGMENN

Austurvegi 10, 2 hæð. 800 Selfoss

Arnarbæli 1 lnr. 168227 (fastanr. 220-6666). Lóðin er 2.800 m² að stærð og mun fá nafnið Arnarbæli 1b. Sveitarstjórn samþykkir samhljóða stofnun lóðarinnar með fyrirvara um samþykki eigenda Arnarbælis 2 á hnitsetningu lóðarmarka þar sem ekki liggur fyrir hnitsett skipting jarðanna tveggja. Þá þarf á lóðablaðinu að koma fram kvöð varðandi aðkomu að lóðinni. Ekki er gerð athugasemd við landsskipti skv. 13. gr. jarðalaga.

Mál nr. 26: 1608069 - Kónsvegur 16a, 16b og 16c: Norðurkot: Sameining lóða: Deiliskipulagsbreyting.

Fyrir liggur umsókn Áslaugar Ásgeirsdóttur, dagsett 25. ágúst 2016 um breytingu á deiliskipulagi Norðurstjórns og varðar lóðirnar Kónsvegur 16a, 16b og 16c. Samkvæmt fasteignaskrá er þetta ein lóð þó svo að deiliskipulagið geri ráð fyrir að svæðinu verði skipt í 3 lóðir. Í breytingunni er verið að breyta deiliskipulaginu til samræmis við raunverulega skráningu lóðarinnar. Á lóðinni er 26,8 m² sumarhús.

Þar sem deiliskipulagsbreytingin er gerð til samræmis við raunverulega skráningu lóðarinnar í þjóðskrá gerir sveitarstjórn ekki athugasemd við breytinguna. Er hún að mati sveitarstjórnar óveruleg og samþykkir hana samhljóða skv. 2. mgr. 43. gr. skipulagslaga. Ekki er talin þörf á grenndarkynningu þar sem ekki er verið að breyta byggingarreit eða byggingarmagni svæðisins.

Mál nr. 27: 1608068 - Undirhlíð 10: Gestahús: Nýbygging: Deiliskipulag: Fyrirspurn.

Lögð fram fyrirspurn eigenda Undirhlíðar 10, dagsett 30. ágúst 2016 um hvort að heimilt verði að byggja 46,1 m² gestahús en skilmálar gera ráð fyrir að byggja megi 40 m² gestahús. Búið er að samþykkja byggingu á 174,8 m² húsi á lóðinni. Sveitarstjórn hafnar erindinu með vísun í ákvæði aðalskipulags um að hámarksstærð aukahúsa á fristundahúsalóðum geti verið 40 m², eins og skilmálar deiliskipulagsins gera ráð fyrir.

Mál nr. 28: 1608073 - Snæfoksstaðir lóð 169675: Aukahús: Deiliskipulag: Fyrirspurn.

Lögð fram fyrirspurn frá Guðlaugu S. Ásgeirsdóttur um hvort að heimilt verði að byggja um 40 m² geymslu á lóðinni Þrívörðuhraun 34 í landi Snæfoksstaða fyrir golfbíl og gufubað. Á lóðinni er fyrir 68,2 m² fristundahús og 14,4 m² geymsla.

Samkvæmt gildandi skilmálum er gert ráð fyrir að á hverri lóð megi reisa eitt hús ásamt útihúsi. Sveitarstjórn gerir ekki athugasemdir við að skilmálum svæðisins verði breytt á þann veg að á hverri lóð megi byggja tvö aukahús allt að 40 m² auk frístundahúss, en eingöngu annað aukahúsið má vera íveruhús.

Nýtingarhlutfall svæðisins breytist ekki. Að mati sveitarstjórnar er um óverulega breytingu að ræða og samþykkir hana samhljóða skv. 2. mgr. 43. gr. skipulagslaga með fyrirvara um grenndarkynningu fyrir eigenda Snæfoksstaða.

Mál nr. 29: 1609007 - Snæfoksstaðir 168278: Loftnetslóð: Stofnun nýrrar lóðar.

Fyrir liggur umsókn Skógræktarfélags Árnesinga, dagsett 30. ágúst 2016 um stofnun 600 m² lóðar fyrir tengihús. Gert er ráð fyrir að á lóðinni megi byggja lágreist tengihúss auk allt að 25 m masturs. Að mati sveitarstjórnar er forsenda byggingar tækjahúss og allt að 25 masturs að auglýst verði deiliskipulag fyrir svæðið.

Mál nr. 30: 1608005F - Afgreiðslur byggingarfulltrúa - 16-37.

Lagðar fram til kynningar afgreiðslur byggingarfulltrúa frá 31. ágúst 2016.

- c) **Fundargerð 38. fundar stjórnar Skipulags- og byggingarfulltrúa Uppsveita bs., 8. september 2016.**

Fundargerðin lögð fram til kynningar.

- d) **Fundargerð 16. fundar Skólabjónustu- og velferðarnefndar Árneshvíls, 6. september 2016.**

Fundargerðin lögð fram til kynningar.

- e) **Fundargerð 8. fundar stjórnar Brunavarna Árneshvíls, 7. september 2016.**

Fundargerðin lögð fram til kynningar.

- f) **Fundargerð 25. stjórnarfundar Samtaka orkusveitarfélaga, 5. september 2016.**

Fundargerðin lögð fram til kynningar.



Grísakjöt beint frá bónda

Sími 771-4465

Við erum á Sólheimahringnum



Sviðaveisla

Sviðaveislan í **Miðengi** verður
föstudaginn 4. nóv. n.k.

Maggi Kjartans heldur uppi stuðinu.

Lopapeysukeppnin verður að sjálfsögðu,
allir að mæta í lopapeysum.

Það verða **svið og saltkjöt** í boði með tilheyrandi.

Pantanir þurfa að berast **fyrir**
miðvikudagskvöldið 2. nóvember 2016

Verð kr. 2.500,-
Miðapantanir í síma 865-4422 eða
netfang: helga@midengi.is



Prjónakaffi á Gömlu Borg

Fyrsta þriðjudagskvöld í hverjum mánuði
kl. 20:00 er prjónakvöld á Gömlu Borg.

Allir velkomnir og munið eftir prjónunum!

Vetraropnun

**Gámastöðvarinnar í Seyðishólum
frá 1. september til 30. apríl**

Þriðjudaga: 14:00—16:00

Fimmtudaga: 14:00—16:00

Sunnudaga: 14:00—17:00



3. Skólasel.

Á fundi sveitarstjórnar þann 7. september s.l. var afgreiðsla málsins frestað þar til frekari upplýsingar liggja fyrir. Fyrir liggur niðurstaða könnunar meðal foreldra en þar kemur fram að á miðvikudögum eru 10 börn sem óska eftir skólaseli og á föstudögum 4 börn. Á þriðjudögum og fimmtudögum var aðeins ein umsókn. Samþykkt er að leita leiða til að starfrækja skólasel á miðvikudögum og föstudögum. Sveitarstjóra falið að auglýsa eftir starfsmanni til að sinna verkefninu og koma með kostnaðaráætlun vegna mögulegs auka aksturs.

4. Undirskriftarlisti foreldra barna í 1. – 4. bekk Kerhólsskóla um lengingu skólasels.

Á fundi sveitarstjórnar þann 7. september s.l. var afgreiðsla málsins frestað þar til frekari upplýsingar liggja fyrir. Unnið er að lausn málsins sbr. lið 3.

5. Fulltrúi á aðalfund Samtaka orkusveitarfélaga 2016.

Fyrir liggur að tilnefna þurfi fulltrúa sveitarfélagsins á aðalfund Samtaka orkusveitarfélaga sem haldinn verður í dag, 21. september. Samþykkt er að Gunnar Þorgeirsson verði fulltrúi sveitarfélagsins.

6. Fulltrúi á ársfund Jöfnunarsjóðs sveitarfélaga 2016.

Fyrir liggur að tilnefna þurfi fulltrúa sveitarfélagsins á ársfund Jöfnunarsjóðs sveitarfélaga sem haldinn verður í dag, 21. september. Samþykkt er að Gunnar Þorgeirsson verði fulltrúi sveitarfélagsins.

7. Beiðni frá Sýslumanninum á Suðurlandi um umsögn vegna leyfis til reksturs gististaðar í flokki II að Þóroddsstöðum lóð 4, Grímsnes- og Grafningshreppi.

Fyrir liggur bréf frá Sýslumanninum á Suðurlandi, dagsett 13. september 2016 um umsögn vegna leyfis til reksturs gististaðar í flokki II að Þóroddsstöðum lóð 4, Grímsnes- og Grafningshreppi. Sveitarstjórn gerir ekki athugasemdir við að leyfið verði veitt en óskar jafnframt eftir afriti af rekstarleyfi þegar það er gefið út.

8. Beiðni frá Sýslumanninum á Suðurlandi um umsögn vegna leyfis til reksturs gististaðar í flokki II að Þóroddsstöðum lóð 20, Grímsnes- og Grafningshreppi.

Fyrir liggur bréf frá Sýslumanninum á Suðurlandi, dagsett 13. september 2016 um umsögn vegna leyfis til reksturs gististaðar í flokki II að Þóroddsstöðum lóð 20, Grímsnes- og Grafningshreppi. Sveitarstjórn gerir ekki athugasemdir við að leyfið verði veitt en óskar jafnframt eftir afriti af rekstarleyfi þegar það er gefið út.

9. Greinargerð Óskars Sigurðssonar hrl., í Héraðsdómsmáli nr. /2016, Lárus Helgason gegn Grímsnes- og Grafningshreppi.

Fyrir liggur greinargerð Óskars Sigurðssonar hrl., í Héraðsdómsmáli nr. /2016, Lárus Helgason gegn Grímsnes- og Grafningshreppi. Greinargerðin lögð fram til kynningar.

10. Hliðmál á Sogsbökkum.

Á fundi sveitarstjórnar þann 20. ágúst 2014 var eftirfarandi bókun gerð:

„Fyrir liggur bréf frá Jónasi Erni Jónassyni hdl. f.h. félags landeigenda á Sogsbökkum, dagsett 26. júlí 2014, þar sem óskað er eftir endurupptöku á samþykkt sveitarstjórnar, dags. 2. september 2013 þar sem heimilt er að setja niður hlið við aðkomu að Fljótsbakka. Þar sem fyrir liggur að ekki er samkomulag milli landeigenda á svæðinu felst sveitarfélagið ekki á að neitt hlið sé á svæðinu þar til samkomulag allra landeigenda hefur náðst um staðsetningu hliðs“. Í framhaldi af bókun sveitarstjórnar frá 2014 hefur verið ítrekuð beiðni lóðarhafa um að hliðið verði fjarlægt og komið upp einu sameiginlegu hliði. Afstaða sveitarstjórnar er að þar sem ágreiningur er um hlið á svæðinu, bæði um uppsetningu og staðsetningu. Ekkert er getið um læst hlið eða aðgengi í skipulagsskilmálum svæðisins, ekki frekar en í öðrum frístundahverfum. Þá telst vegur inn í hverfið vera einkavegur í skilningi 11. gr. vegalaga nr. 80, 2007. Eigendur viðkomandi vegar hafa því veghald hans samkvæmt 2. mgr. 13. gr. sömu laga. Frístundahverfin að Sogsbakka og Fljótsbakka falla undir ákvæði laga nr. 75, 2008 um frístundabyggð og leigu lóða undir frístundahús. Samkvæmt III. kafla laganna er eigendum og umráðamönnum lóða skylt að hafa með sér félagsskap um sameiginlega hagsmuni með svipuðum hætti og gildir um fjöleignarhús. Félagið á að fjalla um sameiginlega hagsmuni, svo sem lagningu og viðhald akvega og göngustíga



Skólastefna Grímsnes– og Grafningshrepps er aðgengileg á gogg.is



Basar í Þingborg 5. nóvember

Kvenfélögin í Flóahreppi standa sameiginlega að basar, sem haldinn verður í Þingborg, laugardaginn 5. nóvember 2016 kl. 13.00-17.00.

Öll innkoma rennur til kaupa á sérhæfðu sjúkrarúmi fyrir Skammtímavistun í Álfaríma 2, en rúmið kostar um eina milljón króna. Hlutverk skammtímavistunarinnar er að létta álagi af fjölskyldum vera afþreying og tilbreyting fatlaðra barna, ungmenna og fullorðinna sem búa í heimahúsum. Lögð er áhersla á eflingu athafna daglegs lífs og félagsfærni.

Fjölbreytt vandað handverk verður til sölu, ásamt kökubasar og seldar verða vöfflur og kaffi.

Tekið verður við greiðslukortum.

Ef þig langar að styrkja þetta góða málefni með okkur, þá er allt handverk vel þegið.

Tekið verður við munum á basarinn í Þingborg, 1. nóv kl. 19.00-22.00 og 2. nóv kl. 14.30 til 17.00, einnig má skila þeim til Guðrúnar á skrifstofu Flóahrepps fyrir hádegi þessa dags.

Kvenfélög Gaulverjabæjarhrepps, .
Hraungerðishrepps og Villingaholtshrepps.



Jóganámskeið fyrir byrjendur og lengra komna
verður haldið í Íþróttahúsinu Borg.

10. okt. – 2. nóv. 2016

Kennt mánudaga og miðvikudaga kl. 17.15

Kennari: **Rósa Traustadóttir**
jógakennari og heilsuráðgjafi
skráning í síma 898-2295

Frá Goða

Folaldasýning

Árleg folaldasýning Goða verður
í nóvember (ekki er búið að ákveða dag)
í Hólmarshöll Minni Borg.

NÁNAR AUGLÝST Á FACEBOOK „Goði hrossarækt“

Valin verða bestu merfolöldin og bestu hestfolöldin,
einnig verður gestaflokkur með sama sniði.

Skráning og upplýsingar
í síma 893-4012 (Jonni)



Minnum á að sækja þarf um
Tómstundastyrk
Grímsnes- og Grafningshrepps
fyrir áramót vegna haustannar,
styrkurinn færir **EKKI** á milli ára.

að og innan svæðis, gerð og rekstur á sameiginlegum svæðum í frístundabyggðinni, svo sem leiksvæðum og bílastæðum, o.fl., sbr. 19. gr. laganna. Undir þetta falla einnig málefni varðandi aðgang að svæðinu.

Það heyrir því undir eigendur og umráðamenn viðkomandi lóða að taka ákvörðun um aðgengi að fristundasvæðunum. Sé aðgengi sameiginlegt að tveimur eða fleiri svæðum þurfa viðkomandi félög að ná saman um það. Sé uppi ágreiningur milli viðkomandi félaga eða einstakra lóðareigenda eða umráðamanna um staðsetningu á hliði eða hliðum hefur sveitarstjórn engar heimildir að lögum til afskipta, enda er sveitarfélagið ekki veghaldari og skipulagsskilmálar kveða ekki á um hlið eða læst aðgengi. Þá er það ekki hlutverk sveitarstjórnar að taka efnislega afstöðu í slíkum ágreiningi. Hlutaðeigendur verða einfaldlega að leysa slíkan ágreining til lykta sín í millum eftir þeim leiðum sem færar eru í slíkum einkaréttarlegum ágreiningi og þá eftir atvikum fyrir dómstólum.

Til kynningar

- ✓ Sorpstöð Suðurlands.
Fundargerð 247. stjórnarfundar 06.09 2016.
- ✓ SASS. Fundargerð 511. stjórnarfundar 02.09 2016.
- ✓ Samband íslenskra sveitarfélaga.
Fundargerð 842. stjórnarfundar, 02.09 2016.
- ✓ Vottunarstofan Tún. Fundargerð aðalfundar, 26.09 2016.
- ✓ Vottunarstofan Tún ehf., ársskýrsla 2015.
-liggur frammi á fundinum-.
- ✓ Vottunarstofan Tún ehf., ársreikningur 2015.
-liggur frammi á fundinum-.
- ✓ Þjóðskrá Íslands, ársskýrsla 2015.
-liggur frammi á fundinum-.

Ekki fleira tekið fyrir og fundi slitið kl. 10:50



FUNDARGERÐ.

395. fundur sveitarstjórnar Grímsnes- og Grafningshrepps var haldinn í stjórnsýsluhúsinu Borg, miðvikudaginn 7. september 2016 kl. 11.00 f.h.

Fundinn sátu:

Gunnar Þorgeirsson
Ingibjörg Harðardóttir
Hörður Óli Guðmundsson
Sigrún Jóna Jónsdóttir
Guðmundur Ármann Pétursson

Fundargerðin var færð í tölvu og hana ritaði Ingibjörg Harðardóttir.

Oddviti leitar afbrigða

a) Samningur um sorphirðu.

1. Fundargerð sveitarstjórnar Grímsnes- og Grafningshrepps frá 24. ágúst 2016.

Fundargerð sveitarstjórnar Grímsnes- og Grafningshrepps frá 24. ágúst 2016 liggur frammi á fundinum.

2. Fundargerðir.

a) 116. fundur Skipulagsnefndar Uppsveita, 25. ágúst 2016.

Mál nr. 2, 3, 4, 5, 6, 7, 8, 18 og 19 þarfnast staðfestingar sveitarstjórnar.

Lögð fram 116. fundargerð Skipulagsnefndar Uppsveita, dags. 25. ágúst 2016. Eftirfarandi dagskrárliðir þarfnast afgreiðslu sveitarstjórnar;

**Mál nr. 2: 1608018 - Ásborgir 44, 46 og 48: Ásgarður:
Sameining lóða: Deiliskipulagsbreyting.**

Fyrir liggur tillaga að breytingu á deiliskipulagi Ásborga. Í breytingunni felst að lóðir nr. 44, 46 og 48 er sameinaðar í eina 17.432 m² lóð fyrir verslun og þjónustu en lóðir nr. 44 og 46 eru í dag íbúðarhúsalóðir. Á sameinaðri lóð er afmarkaður

Kerhólsskóli



KARTÖFLUUPPSKERA



byggingarreitur (A) fyrir stækkun núverandi veitingahúss um 1.200 m² (er 716,1 m² í dag), reitur (B) fyrir allt að 600 m² hótélbyggingu, reitur (C) fyrir allt að 600 m² hótélbyggingu og reitur (D) fyrir allt að 120 m² kapellu. Sveitarstjórn gerir ekki athugasemd við að tillagan verði auglýst skv. 1. mgr. 41. gr. skipulagslaga nr. 123/2010 auk þess sem hún verði kynnt fyrir eigendum lóða í hverfinu.

Mál nr. 3: 1602041 - Hæðarendi 168254: Náttúrulaug og aðstaða fyrir baðgesti: Fyrirspurn.

Fyrir liggur bréf Heilbrigðiseftirlits Suðurlands, dagsett 7. ágúst 2016 varðandi skilgreiningu á náttúrulaugum og baðstöðum í náttúrunni. Er bréfið m.a. viðbrögð við svörum umsækjenda deiliskipulags baðstaðar í landi Hæðarenda við fyrri umsögn Heilbrigðiseftirlitsins. Skipulagsfulltrúa falið að koma á fundi með Umhverfisstofnun um hvernig túlka eigi lög og reglur varðandi náttúrulaugar.

Mál nr. 4: 1608019 - Kerbyggð lóðir nr. 13-23(oddatalur): Veitt byggingarleyfi: Kæra til ÚUA.

Fyrir liggur bréf Úrskurðarnefndar umhverfis- og auðlindamála, dagsett 9. ágúst 2016 þar sem kynnt er kæra vegna útgáfu byggingarleyfa fyrir hús í Kerbyggð. Í kærinni er gerð krafa um stöðvun framkvæmda. Þá er lögð fram til kynningar greinargerð Óskar Sigurðssonar hrl., dagsett 22. ágúst 2016 um málið sem send var úrskurðarnefnd.

Mál nr. 5: 1607006 - Villingavatn 170831: Villingavatn 3: Stofnun lóðar.

Lögð fram að nýju umsókn dagsett 5. júlí 2016 um stofnun 70.2 ha spildu úr landi Villingavatns. Fyrir liggur samþykki eigenda og ábúenda jarðarinnar. Sveitarstjórn gerir ekki athugasemdir við stofnun spildunnar með fyrirvara um samþykki eigenda aðliggjandi landa. Ekki eru gerðar athugasemdir við landsskipti skv. 13. gr. jarðalaga.

Mál nr. 6: 1608031 - Búrfell I: Viðibrekka og Lækjarbakkí:

Fyrir liggur umsókn eigenda lóðarinnar Viðibrekka 38, úr landi Búrfells I þar sem óskað er eftir að skilmálum deiliskipulags svæðisins verði breytt á þann veg að þakhalli verði frjálfs en ekki 14-60 gráður eins og gildandi skilmálar geri ráð fyrir.

Sveitarstjórn gerir ekki athugasemdir við að auglýst verði breyting á deiliskipulagi svæðisins í samræmi við fyrirliggjandi umsókn. Mælt er með að samhliða verði gerð sambærileg breyting á skilmálum frístundabyggðar úr landi Búrfells I sem nær til lóða við Nón- og Prastarhóla.

Mál nr. 7: 1608037 - Kerhraun B 137 lnr 208923 og B 138 lnr 208924: Sameining lóða: Fyrirspurn.

Lögð fram fyrirspurn eiganda lóða nr. 136, 137 og 138 í Kerhrauni um hvort að sameina megi lóðir nr. 137 (5.629 m²) og 138 (6.571 m²). Sveitarstjórn hafnar erindinu með vísun í afgreiðslu sambærilegra mála undanfarin misseri. Skipulag svæðisins gerir ráð fyrir ákveðnum fjölda lóða og er ekki talið æskilegt að breyta því m.t.t. lagningu og viðhaldi vega, veitna o.fl.

Mál nr. 8: 1501013 - Ásabraut 1-40 og Lokastígur 1-10: Ásgarður: Deiliskipulagsbreyting.

Fyrir liggja lagfærð gögn vegna breytingar á deiliskipulagi sem nær til lóða nr. 1-40 við Ásabraut og Lokastíg 1-10 úr landi Ásgarðs. Tillaga að breytingu var grenndarkynnt í byrjun árs 2015 og bárust nokkrar athugasemdir. Sveitarstjórn samþykkir samhljóða að tillagan verði grenndarkynnt að nýju fyrir öllum eigendum lóða á svæðinu með þeirri breytingu að afmarkað verði svæði fyrir heimilissorpsgám.

Mál nr. 18: 1608001F - Afgreiðslur byggingarfulltrúa - 16-35.

Lagðar fram til kynningar afgreiðslur byggingarfulltrúa frá 3. ágúst 2016.

Mál nr. 19: 1608003F - Afgreiðslur byggingarfulltrúa - 16-36.

Lagðar fram til kynningar afgreiðslur byggingarfulltrúa frá 17. ágúst 2016.

b) Fundargerð 7. fundar stjórnar Brunavarna Árnessýslu, 23. ágúst 2016.

Fundargerðin lögð fram til kynningar

Kerhólsskóli





c) Fundargerð 20. fundar stjórnar byggðarsamlagsins Bergrisans bs., 24. ágúst 2016.

Fundargerðin lögð fram til kynningar.

3. Starfshlutfall varaoddvita.

Fyrir liggur að starfshlutfall varaoddvita hefur verið 30%. Varaoddviti óskar eftir að starfshlutfall hans verði fellt niður frá og með 1. september 2016. Sveitarstjórn samþykkir fyrirbyggjandi beiðni.

4. Fjármálaráðstefna sveitarfélaganna.

Kynnt er að fjármálaráðstefna sveitarfélaganna verður haldin á Hilton Hótel Nordica í Reykjavík 22. og 23. september n.k. Samþykkt er samhljóða að fimm fulltrúar úr sveitarstjórn eigi kost á að fara á ráðstefnuna.

5. Skólasel.

Fyrir liggur niðurstaða frá stjórnendum Kerhólsskóla úr könnun sem sveitarstjórn óskaði eftir að yrði gerð. Miðað við fyrirbyggjandi niðurstöður er greinileg þörf fyrir skólasel. Sveitarstjórn felur fræðslunefnd að koma með tillögur að reglum og fyrirkomulagi skólasels fyrir næsta vetur. Jafnframt óskar sveitarstjórn eftir frekari upplýsingum og frestar afgreiðslu málsins.

6. Bréf frá Samtökum sunnlenskra sveitarfélaga vegna Ársþings SASS, Heilbrigðiseftirlits Suðurlands og Sorpstöðvar Suðurlands.

Fyrir liggur bréf frá Samtökum sunnlenskra sveitarfélaga, dagsett 25. ágúst 2015 þar sem greint er frá því hvar og hvenær Ársþings SASS, Heilbrigðiseftirlits Suðurlands og Sorpstöðvar Suðurlands verður. Ársþingin verða að Hnappavöllum í Örfæm, dagana 20. og 21. október n.k. Sveitarfélagið á tvo fulltrúa á þinginu en öllum sveitarstjórnarmönnum er heimilt að sækja þingið. Fulltrúar Grímsnes- og Grafningshrepps verða Gunnar Þorgeirsson og Guðmundur Ármann Pétursson.

7. Beiðni frá Sýslumanninum á Suðurlandi um umsögn vegna leyfis til reksturs gististaðar í flokki II að Gelti, Grímsnes- og Grafningshreppi.

Fyrir liggur bréf frá Sýslumanninum á Suðurlandi, dagsett 31. ágúst 2016 um umsögn vegna leyfis til reksturs gististaðar í flokki II að Gelti, Grímsnes- og Grafningshreppi. Sveitarstjórn gerir ekki athugasemdir við að leyfið verði veitt en óskar jafnframt eftir afriti af rekstarleyfi þegar það er gefið út.

8. Beiðni frá Sýslumanninum á Suðurlandi um umsögn vegna leyfis til reksturs gististaðar í flokki II í Hallkelshólum lóð 168512, Grímsnes- og Grafningshreppi.

Fyrir liggur bréf frá Sýslumanninum á Suðurlandi, dagsett 2. september 2016 um umsögn vegna leyfis til reksturs gististaðar í flokki II í Hallkelshólum lóð 168512, Grímsnes- og Grafningshreppi. Sveitarstjórn gerir ekki athugasemdir við að leyfið verði veitt en óskar jafnframt eftir afriti af rekstarleyfi þegar það er gefið út.

9. Undirskriftarlisti foreldra barna í 1. – 4. bekk Kerhólsskóla um lengingu skólasels.

Fyrir liggur undirskriftarlisti foreldra barna í 1. – 4. bekk Kerhólsskóla um lengingu skólasels. Sveitarstjórn samþykkir að skoða möguleika á lengingu með könnun meðal foreldra eins og getið er í lið 5. Málinu frestað.

10. Beiðni Umhverfis- og samgöngunefndar Alþingis um umsögn á frumvarpi til laga um Umhverfisstofnun (heildarlög), 674. mál.

Frumvarpið lagt fram til kynningar.

11. Önnur mál.

a) Samningur um sorphirðu.

Fyrir liggur samningur milli Grímsnes- og Grafningshrepps, Bláskógabyggðar og Gámaþjónustunnar um sorphirðu í sveitarfélögunum frá 2016 til 2020. Sveitarstjórn samþykkir samhljóða fyrirliggjandi samning.



KLAUSTURHÓLARÉTTIR



Til kynningar

- ✓ Heilbrigðisnefnd Suðurlands. Fundargerð 174. stjórnarfundar 19.08 2016.
- ✓ Bréf frá Gunnari E. Sigurbjörnssyni, tómstunda- og forvarnarfulltrúa Árborgar og Guðlaugu Ó. Svansdóttur, verkefnisstjóra Háskólafélags Suðurlands, dags. 30. ágúst 2016 vegna ráðstefnu ungmennaráða á Suðurlandi dagana 28.-29. september n.k.
- ✓ Bréf frá Innanríkisráðherra, Ólöfu Nordal og Mennta- og menningarmálaráðherra, Illuga Gunnarssyni, dags. 26. ágúst 2016 þar sem grunn- og framhaldsskólar landsins eru hvattir til að efla lýðræðisvitund barna og ungmenna.

Ekki fleira tekið fyrir og fundi slitið kl. 12:45



***Eins og undanfarin ár mun
Grímsnes- og Grafningshreppur veita
framhaldsskólanemum 16-20 ára,
þ.e. fyrir 8 fyrstu annirnar eftir grunnskóla,
styrk að upphæð kr. 30.000.-***

***Þeir aðilar sem vilja nýta sér þetta eru beðnir um að
senda vottorð um skólavist fyrir haustönn 2016 sem
allra fyrst til skrifstofu sveitarfélagsins.***

***Hægt er að senda staðfestingu á netfangið
stina@gogg.is***



Kæru heldriborgarar!

***Sundlaugin er opin fyrir ykkur á
mánudags- og fimmtudagsmorgnum
frá kl. 10:00—12:00.***

Frítt inn og kaffi á könnunni !

Kæru sveitungar

Frá því skóla var slitið síðasta vor hafa orðið nokkrar breytingar á starfsliði skólans meðal annars vegna þess að nú er í fyrsta skipti 10. bekkur í Kerhólsskóla.

Ég ætla nú að telja upp alla starfsmenn Kerhólsskóla skólaárið 2016–17. Íris Anna Steinarrsdóttir hefur tekið við stöðu sem aðstoðarskólastjóri. Aðrir starfsmenn skólans eru: í leikskóla-deild, Agnes Heiður Magnúsdóttir deildarstjóri, Arndís Anna Jakobsdóttir leikskólakennaranemi, Erna Jónsdóttir leiðbeinandi, Sigríður Þorbjörnsd. Bs í sálfræði og mastersnemi í leikskólakennarafræðum sem hún tekur samhliða vinnu í leikskóladeildinni. Nýr starfsmaður í leikskóladeildinni er Ólöf Arna Gunnlaugsdóttir, leiðbeinandi. Ólöf Huld Magnúsdóttir, skólaliði mun eins og í fyrra starfa í báðum deildum og einnig Rebekka Lind Guðmundsdóttir, leiðbeinandi og nemi í grunn-skólakennarafræðum, en hún mun vera í stuðningi í grunnskóladeildinni fyrir hádegi og leikskóladeildinni eftir hádegi. Veiga Dögg Magnúsdóttir, leiðbeinandi hefur tekið að sér bókasafn skólans ásamt því að vera í leikskóladeildinni fyrir hádegi. Linda Waagfjörð, leiðbeinandi, verður í afleysingum í báðum deildum.

Í grunnskóladeildinni á komandi skólaári er Guðrún Ása Kristleifsdóttir (nýr kennari) umsjónarkennari í 1. bekk. Ragna Björnsdóttir umsjónarkennari með 2.–4. bekk. Elín Finnbogadóttir (nýr kennari) umsjónarkennari í 6.–7. bekk, Alice Pedersen umsjónarkennari í 8.–9. bekk og Bjarni Þorkelsson umsjónarkennari í 10. bekk.

NORRÆNA SKÓLAHLAUPIÐ

var miðvikudaginn 21. september,

allir í skólanum hlupu annað hvort 2,5 eða 5 km.



MIKIÐ FJÖR Á BÓKASAFNSDAGINN.

Það var mikið um að vera á bókasafninu þann 8. september s.l þá var Bóksafnsdagurinn haldinn hátíðlegur.

Allir nemendur skólans sáu sér fært að mæta, þiggja veitingar og bókamerki og hlusta upplestur.



Auk þeirra kennir Gunnar Kristinn Gunnarsson íþróttir og sund og Íris Anna aðstoðarskólastjóri kennir dans. Helga Haraldsdóttir, nemi í grunnskólakennarafræðum er ritari áfram, áamt því að kenna heimilisfræði í 1. – 4. bekk og samfélagsfræði í 8. – 10. bekk. Elvar Ingimundarson (nýr kennari) í stuðningskennslu í 6.–7. bekk, Margrét Gunnarsdóttir þroskapjálfanemi verður í stuðningskennslu í 1. bekk. Sigríður Björnsdóttir verður áfram skólaliði. Anna Margrét er í árs leyfi og mun Elínborg Sigurðardóttir, sérkennari leysa hana af í vetur. Þóránn Lilja Snorraddóttir er í veikindaleyfi og Ásdís Finnsdóttir kennir list- og verkgreinar á meðan. Magnús Kjartansson verður með tónmenntakennslu eins og síðustu ár.

Í eldhúsinu verða í vetur þær Pamela Sousa matráður og Agneska Zrost aðstoðarmatráður. Svo að öllum líði vel þá þurfum við að borða hollan mat en Pamela aðhyllist matarstefnu sem ættuð er frá Ítalíu og kölluð er „slow food“ og er í grunnin eins og matarstefna skólans það er að kaupa hráefni sem næst skólanum til að fá það sem ferskast, og vinna matinn sem mest frá grunni. Það mun vera meiri áhersla á grænmeti bæði ferskt og eldað á fjölbreyttan hátt. Að sjálfsögðu verður einnig eldaður bæði fiskur og kjöt á hefðbundinn íslenskan hátt en einnig á svolítið framandi hátt fyrir okkur sem erum vön hefðbundnum íslenskum mat. Pamela leggur mikla áherslu á að setja saman hverja máltíð þannig að börnin séu að fá öll þau næringarefni sem þau þurfa til að takast á við námið í leik og starfi. Hún hefur verið þessa fyrstu daga í skólanum að prufa sig áfram með hvað börnin borða því eins og segir í skólastefnunni þá er engin næring í því sem börnin borða ekki.

Hreyfing skiptir einnig miklu máli og ætlum við í vetur að leggja áherslu á meiri og fjölbreyttari hreyfingu m.a. dans.

Áfram verður samstarf við tónlistarskóla Árnesinga og kemur Hjörtur B. Hjartarson, tónlistarkennari tvo daga í viku.

Skólabílstjórar verða hinir sömu í vetur og verið hefur undanfarin ár en leiðirnar sem þeir keyra breytast aðeins. Skólabílarnir fara á aðeins öðrum tímum en í fyrra, kemur það til vegna þess að nú eru fleiri kennslustundir sem eru klukkutími.

Á komandi skólaári verður lögð enn meiri áhersla á teymis-kennslu, einstaklingsmiðað nám og fjölbreytta kennsluhætti og voru kennarar á tveggja daga ráðstefnu í Hveragerði um þessi efni, sem var skipulagt af Skólaþjónustu Árnesþings fyrir alla grunnskólakennara í Árnesþingi. Þar sem að námsmat Kerhólsskóla þykir af mörgum sérfræðingum mjög gott þá voru þær Alice og Ragna fengnar til að vera með fyrirlestur um okkar námsmat á ráðstefnunni í Hveragerði og fengu mikið lof fyrir.

Við fengum svo til okkar sérfræðing um námsmat í síðustu viku, því nú þarf að útskrifa nemendur úr 10. bekk með einkunnir á skalanum ABC og D. Fullyrti hún (sérfræðingurinn) að þessi innleiðing nýs námsmats í grunn-skólum væri mjög mikil vinna en heldur minni hjá okkur en flestum öðrum skólum því að í raun hefðum við verið að nota svona námsmat og væru því kennarar hér með þá grunnhugsun sem nýja námsmatið krefðist. Í vetur förum við í að aðlaga okkar námsmat að þessu nýja einkunnakerfi sem krafist er.

Skólaselið í vetur verður með svolítið öðrum hætti en verið hefur því að 1. bekkur verður í skólaseli í leikskóladeildinni tvisvar í viku inn á milli annarra tíma í stundatöflunni. 2–4. bekkur verður í skólaseli í einn tíma eftir skóla á mánudögum.

Ég vil árétta það að ekkert heimanám er í Kerhólsskóla utan heimalesturs sem er mjög mikilvægt að foreldrar haldi vel utan um því eins og við öll vitum byggir nær allt á því að vera vel læs. Mikilvægt er að börnin lesi fyrir aðra og einnig er mjög mikilvægt að lesa fyrir börn á öllum aldri alveg frá byrjun leikskóla og út grunnskólann. Einnig er mikilvægt að spjalla um hvað var verið að lesa, hvað gerðist í sögunni og hvað er líklegt að gerist næst og svo framvegis til að efla lesskilning.

Í vetur verða 25 börn í leikskóladeildinni, 43 börn í grunn-skóladeildinni og 26 starfsmenn í mismunandi stöðuhlutfalli.

Ég er þess fullviss að við eigum eftir að eiga skemmtilegt og lærdómsríkt skólaár framundan því hvernig er annað hægt með svona hæfileikaríkan og skemmtilegan nemendahóp, kennara sem eru fullir af eldmóð fyrir starfi sínu og ekki síst það sem er einn stærsti lykilinn en það eru samstarfsfúsir foreldrar.

Öll saman sköpum við skólann eins og við viljum hafa hann.

Virðingarfyllt

Jóna Björg Jónsdóttir
Skólastjóri.